

船山先生詩稿

船山先生詩稿

傳集

湘西王夫之而農父著

男敵輯

七十自定稿

五言古詩

翠濤携諸子遊瞻雲閣有作見寄遙答

庚申

嘉遊成疇昔企歎奄方今金閨鬱龍種玉山
死鸞吟遲向深秋興搖蕩先春心足知襟帶

啟遂及松檜陰大雲峙霜萼虛室函霄岑緬
彼鶴上客所懷玉漿斟聲息墜人間羈縶建
幽林無乃大還訣猶爲陸海沈寧含衣中珠
撫茲絃外琴天問固難酬孤心還自謀願言
雲關閉勿驚雪髮侵

春盡有會而作

辛酉

春生情未極序改心難爲俯仰各有會脚蹶
良在茲初暎耀幽砌夕風鳴遠枝清暘遙天
感遲回碧雲期胡朕屢天損耿余視星移逝

川非昔歎岐道有餘悲空霄難仰問圓規無
返犧雄劍不偶合雍琴長自疑裏袖有瑤艸
將爲贈者誰

始冬寓日

東峯展蒼翠夕陽散平川天容函空謐闡緩
飛孤煙寒日將易暝秋心仍未捐忼慨寄寥
廓通幽無緒言霜氣警歸息墜葉飄陰喧迢
逝佇清夢遠遊驚八埏

和周履道對春雪

靈兩從雲崖回風結寒寒蕭條韶年始搖蕩
芳春情礪珠無留綴碎玉有餘聲逢天益以
邈空宇含微晶鏡夕滯九微梅月延孤清緬
彼蒼江釣應同瑤圃征

和高學迪風雨

風雨適在茲歌歎無與言人事杳無緒天情
亦易遷懷抱終古閒曲折固勿諉腰鎌入深
雲荷薪續午烟聊尔爲晨夕不知經歲年思
彼信陵客曾爲陳監門

春初雨歇省家兄長夏菴

中惘狀有作

懷聚亘昏夜惻狀華髮薶零雨迷昏旦修塗
阻遠營惠風啓夕光欣緒慰良征彼榛幸不
違悲喜交含情含情夫如何忘言自閔傷
視彼雙飛鳥日暮亦得將摘艸勿絕心渡水
勿絕梁居狀成迢遞慙尔隨頽頽頽頽悲
以鳴歲序無更待門二懷昔歡悠二有餘悔
采彼靈藥非匪值青鏡改局穀念鳩飛無枝

念木壞 壞木無再榮
令緒唯須臾如彼虞
淵日卽次非東隅
百里望嶽阡將爲茂艸墟
良惟身事闇豈云天運殊
運殊不自今物
理難前測陵谷生人心
波流驚涼德琴書素
業移孝友先聲息白髮
對懷憂中夜長閔默
閔默復將離行行度陌阡
岡花自蘂靡溪
流祇迴旋天舒望益促
形遠情未遷胡能返
昨日扁意共林泉

熊男公過訪

遙山清露條木未素月上佳人不遠此適尔
成玄獎先彼涼雲陰心知畏景連靜氣欣相
移天機繼以長夙昔扶清剛獨唱閔幽響周
道信透迤畷行生惚恍炯二河鼓星迢二天
漢廣津梁誠有待良會仍多爽云何衰景及
邁此西清朗百年如九秋一意諧雙賞我聞
綏山朶醞彼靈胎養餐之踰萬春握之在孤
掌下士原大笑上士成獨享君其遂方今纒
渺慰雲想

田家始春雜興 癸亥

靈雨潤今茲雲光漾微溫參差春艸生曳杖
行出門仰視歸鳩飛有叟過我前知從罷遠
遊龐眉返郊原欲因問疇昔微笑無與言但
云歷水霜脆壤耕所便春事相歎息稚子促
夕飡行行不相顧空林栖鳥喧

其二

林表春鳥飛高原凍已釋顧聞農人語春事
在旦夕衣食亘中古蠅動亦不息風美艸色

原缺

寒雨歸自別峯菴寄同遊諸子

晨光留宿溫山靄動雲葉遙二相送情恨二
念寒涉憐無金母術爲返堯花壓彌天存鶴
髮餘冬酬素業壯心已分屬微緒望孤接清
歡唯夕鐙喬論竒靈笈四海目可營千秋志
何攝旋歸亘不忘物役情難協溫伯道默存
蘇門嘯雙愜寢聚州頻仍心旌固洽泱曠懷
杳涯際冥合無鈍捷霜磬警昨清緘之以重
疊

瓜圃夕涼

微月流西岑初螢明青叻夕雨一以息樾徑
珠露泣窅余釋煩痾冷朕得靜善吾生豈不
夙物役固未淺往昔從棄損今懷何繾綣精
靈寓天宇昭滌隨游行所思來者遙詎俟心
期展瓜二霄漢間悠二寄孤撰

其二

清士抱夕心畸人含夜悲幽羈怨難已滌覽
情自微兩端趣有定一致交易虧今茲何恂

悅搖情懽分岐緒風慙京襟宛轉動素帷披
衣視霄漢弦月流半規居狀無外撻巨介捐
中疑還睇天宇高今茲素節非萬族同轂轉
吾生寧依違戢志受天損非云懷坐馳

冬日晚照書懷

山滌淨西清層雲仍南飛夕光相宛約霜氣
乍依違深紫明峯色餘綠滋垣衣仰瞻零葉
墜時有寒禽歸緒心同羣動歛息無餘機收
照光自炯勇榮道已非晴日容相借行將陟

翠微

西岡望南嶽

山行逕云遙遙山隱絕巘巘絕羣岫分曠覽
得平善雲陰遂參差身投迷近遠微睇望已
盈延觀秀自行登陟儼昔遊契濶仍今展今
昔無合離流峙終繾綣長轂軌不遷貞觀閱
已萬天宇信若茲予懷何歆羨

秋雨延旦曉起有作

夕星炫西宇山影分空界清氣儼流沐薄吹

振幽籟息疴方及晨窺牖
礪已暖物故天所憑軸轉
無相建秋萋或暗滋歸
飢已前邁孤碧尙流連
逝羽無芥蒂翩二海岸心倦
二寒畦態榮謝在斯須動植
有昭昧所以天閱情臨之發
深慨

雨夕夢覺就枕戲效昌黎體近夢

沈陰夕已長噩夢魂相撓
霜鬢失其真童心來愈巧
身輕月離雲心閑日出卯
闢艸康樂鬚撒米麻姑爪
狂歌演末泥舞袖試郭鮑雲

冠蓮葉捲綵杖柳枝初尋花鼻已醒
遡風咽
屢飽撻菱忘水濺拾豆就炷燭倏忽攬孤衾
涼颺襲雙腋故情雖不永清歡幸已稍籠鷄
既爭聒被蝨復群齧夢醒夫何爲無妨恣狂
狡

吟已猶不得曙再次前韻廣之

生氣紛去來屈伸無能撓腐儒分夢醒離折
恣智巧畫雞厭元旦冶銅鑄剛卯辟火養鸚
鵝驅瘡挂蟹爪庚申囚彭倨己丑訃陳鮑趨

火螢尻張垂涎瓠項拗染指易爲曠老拳競
相飽療妬蒼庚烹呪鬼鴛留燭唾星釀流光
占吉灼羊骹漸老嘗已熨觀物覺已稍石女
孕自生鐵牛蟲漫咬因之參寥遊不畏蒼天
狡

翠濤喜雨見懷病枕賦答

靈雨自南來飛集東臯野伊人遂欣暘良懷
寄逢寫群岫霧回風垂虹散清灑朱光榮藥
煙念此拘拘者

冬日襟興

且氣息微霜流雲起相聚暄風動林葉踈雨
鳴高樹夕宇還昭鮮物變何匆遽寥二下土
人邈彼高真路終始閱遷流孰能測其故今
古歸有涯云何永依據

零露潤枯桑運回辭故枝栖禽深婉嫵欲與
終因依竟夕不相保何況延晨吹晶宇坐玉
繩瑤光空陸離羣歷千萬里含心當語誰顧
影追疇昔韶風漾芳特下映清江渌上承靈

雨飛時哉不再覲群情自紛疑詎知幽悄懷
時爲夢中期佳序還在目榮光且葳蕤

始夏

午睡過微雨西清引涼吹雲光逗新葉浮綠
起新媚文禽時一飛水影搖丹翠物故有今
昔化理無榮悴遙知薪指窮未始天容替閱
變遞紛擾損悲任流逝嗣者無適期遐哉惘
高寄

詠歸夔

涼葉飛不息凋荷尙孤擎
海天杳何許層遞秋雲生
棲鳥鳴高竒焉知歸蕤情

度仙片紙見訊云年過七十未爲非
畚無容局促縈心旣佩良規因之自廣

素雲方西飛歸鳥仍南征
遷流無止勢煥動况有情
天宇敞寥廓虛牖延孤清
竹素涵前古靜對終吾生
故交惠尺書整襟拜投瓊
獎以息吹萬因之返素精
寓形良有涯勿爲化所驚

歌行

春月歌

晴風初暝溪光紫楊柳風輕吹不起迢二壁
月背雲飛搖蕩春雲映春水春水涵空倒碧
天金波微定影初圓花趺紅斂垂珠露葉底
苔平綴玉錢可憐月落留難住可惜春光來
復去昨日梨花已起風何時柳絮還粘鬢柳
絮梨花早歲春芳郊艸軟素光勻綠牕竹葉
飄鸞尾白袷落英照錦鱗當時不解留春在

月落月生春易改胡蝶香迷夢不成碧桃花
褪芳誰采采芳踏月當年客雙鬢銀絲欺素
魄嬋娟不解古今愁斜轉空山盪輕碧

來者之日歌

來者之日還如昨今我云胡而不樂去者之
日一如今徘徊今昔傷憂心東風吹柳鵝黃
垂千條映水搖修眉一片輕飄墜秋水葉二
零二飛不起還丹空煉素銀芽老聃西度函
關死死生倏忽如暈霜春日不長冬夜長行

人攀折莫長歎豹死留皮王彥章

寄題翠濤新齋 丁卯

湘西開竹館綠淨清溪源垂釣不在魚讀書
欲忘言欲從不能心自飛白雲柰爾輕霏微
傲李鄴侯天覆吾歌廣其意示于禮

天覆吾地載吾元氣紛二層萬族靈著茂艸
爭昭蘇栖鳥在林魚在水而復生我何爲乎
絕粒升天等龜鶴靈椿五百還凋落嗚珂帝
都亦鶯焚金衣玄珮喧清句鄴侯以此爲丈

夫漢二天心誰許見丈夫昂藏自有真父兮
生我天之仁一針義利分子午萬國胞與誰
主賓蝸涎篆壁勿輕惹螻臂當車莫浪噴丈
夫愛嗔復愛喜落花笑看隨流水孤月離雲
雪練飛眇二寒輝千萬里靜如池影涵青天
動則春風迸花蘂君不見鄴侯魁節知前非
嶽頂讀書雲滿衣晶冰徹底纖塵淨玉魄當
頭素影肥青蓮七二堆螺髻萬軸當年金簡
字千年欲識丈夫心獨上危峯攬蒼翠

五言律

過李爲好山居信宿

紫雪桐花落綠烟
莎艸凝閑堦斜日轉薄筵
緒風勝消息中宵酒過從
大古僧淹留春病減君似一條水

其二

忘物仍憂亂孤遊託耦耕
季華皆昨夢風俗到今
蘄閉戶生涯得挑燈笑語
清歌眠安枕簟恰有曙光晴

伏日

朱火彌清晝，涼宵候久晴。
光搖千嶂迥，風定片雲輕。
老病從欹枕，交遊憶耦耕。
東方何意緒，割肉做公卿。

臘月一日寒雪有作

是日爲先徵君悅辰聞之先慈云泰

昌庚申大凍
杯盃凝沍

前夕雪花飛，晶光飈素暉。
半峯黃葉小，孤樹暗禽歸。
生理隨霜鬢，寒更夢舞衣。
庚申慈氏說壽酒，素瓷肥。

將夕 辛酉

餘春矜斷雨將夕斂重陰谷口延西爽雲光
敞半林樸歸依曲二鳥宿漸深二藥市虛城
郭歸人阻碧岑

復病

消病一春長藤蓑挂艸堂親知勞送蜜蔬筍
慰休糧劒鼻苔侵澀書函蕪墜香侵凌看柳
絮亂撲一襟霜

示劉李二生

不作少年心，憑消白晝陰。
黃梅何日熟，橄欖再來尋。
追蠡懸無幾，龍淵老易沈。
他時聞吹笛，莫遣憶孤音。

得嘉魚李西華兄弟書追憶雨蒼

湖水阻青鞵，南遊弔大崖。

世卿先生自白沙歸遊南嶽

探

書蒼水絕藏史，血函埋遺怨。

雨蒼舊作孤鴈

行見

寄 孤吟閉鹿柴，郎君勤慰藉。
難遣老夫懷

中秋向夕自觀生居同劉生小步歸艸

堂月上二首

返照一輪微。行行望不違。疎林迤緩步，薄影
上輕衣。雪練空初合，雲波靜尙肥。閒心謀斗
酒，未數艸堂歸。

其二

秋清猶徃昔，老去得從容。簷影分僊桂，珠光
浥瓦松。葛巾飛鳥度，霜鬢玉蟾逢。他日酬今
夕，雲籤在別峯。

偶題

禾稻頻相望，鶯黃幾日深。人間又秋色，垂老

足閉心夕照明歸鳥高林接暮陰前峯初上月約畧半林侵

人日 癸亥

夏曆留人日春深淨曉天池水輕破綠初葑
淺含煙百福宜他歲孤心惜暮年迢二春賞
意還看野梅邊

初秋

通閏秋期早餘蒸宿雨停流螢孤一照鳥鵲
緩雙星蘋葉風初定藤花露已零青葢仍風

昔蕭瑟漸渙汀

其二

夕綺搖虹影疎雲上碧波中宵動雷雨斜月
半星河世事殘書耐吾生睡眼過青楓無限
葉珍重響危柯

其三

昔二秋猶在勞二老易侵寶劔蝕虎氣孤鏡
吼龍吟涼夢驚難續閒愁病不任江山留九
辨未許怨登臨

歲早 甲子

雪際帶春生池冰幾夕輕寒心猶繾綣雨氣
半蕭清客至拈桃笑禽歸試柳晴衰年宜緩
緩歲早自含穉

客至

病眼忘春賞芳辰競客遊折腰原早歲歌枕
自前秋宿菜冰芽盡寒膏炷影幽歌聲金石
發莫爲子桑愁

初夏

微雨收難定孤雲遠自歸晴絲輕相入聲逐
燕子不停飛回嶺通群絲清光遠四圍天情
隨意緩珍重徑莎肥

其二

裊二消春盡勻二看暑生花期隨夢往病骨
喜衣輕藥裹蟲絲剔茶煙柳絮迎故人縑素
在裝裹越初晴

待于禮

望二還相待悠二問此心禽歸孤樹夕月上

半峯陰稻徑造迂折荷香送殘深琅狀琴韻
在莫只動游鱗

先開過問病贈之

迫二寒威甚怪二久病如紙牕明半榻鑪火
擁殘書法相沙踪雁交情靜夜魚天花飛萬
片祇媿淨名居

時雪大作

冬夕

南天玄氣合始夜素煙圖薄靄孤星出林風
幾葉飛古今銷永夕書卷揜空扉此夕閱河

迥殘燈一影微

紅葉

寒光煙際迥極目乍相迎
落日殷勤照霜空
娥媚生清波凝水碧
白影襯雲輕紅豆誰持
贈南枝未早榮

其二

幅巾江南畫蒼山
點絳紗桃波疑候雁
鸚鵡背
凡寒鴟垂笑風難定
輕飛日易斜
朱顏矜老
壽誰是白雲家

早春餘雪屬目偶成 丙寅

溼雲飛不起一半雪光欺藥裏猶晴昔鶯花
笑幾時烏藤苔露墜白袷柳風吹知否韶華
借閒心早自疑

夏夕

西清開一曲明綠半谿深白鳥回峯碧青林
渡水陰荷輕初露墜風定暗香侵隱几吾生
事蕭然不自今

爲家兄作傳畧已示從子敬

無窮消一淚，墨外遺痕汪。故國人今盡，先君道已亡。蒙頭降吏走，抱哭老兵狂。正可忘言說，將心告烈皇。

元夕獨坐 丁卯

淡碧繞峯三，寒雲釀自冬。艸心栖宿雪山溜，隱宵鐘雙泐。初春盡孤鐙，丈室封梅花。憑笑問，莫不許從容。

晦夕

初暄留宿雨，向夕儘歸雲。遠寺山鐘暈，流螢

溼霧熏天情餘發
鍵春賞憶殷勤
蓮葉無情甚
波光一半分

四月一日

莫更惜春先條二
愛景長揀花三日
雨燕子一襟涼
負影深推絲梅腮
已上黃韶華讀史
過天地儘清狂

秋日雜咏

夕風吹不散斜月
數峯陰雲暈孤輪
影珠圓曲港音涼
雲餘一照碧漢已
雙沈歷二秋光

在當時憶此心

其二

疎雨定池光荷風一袂涼雲峯雙岫合虹影
半輪藏日落風無定天空望愈長欲歸雙燕
子不肖睨橫塘

其三

清賞閒心卽餘年一日賒稻收尋麴艸水落
理魚又選徑遶晨露除棚看晚霞木樨香近
遠初試半林花

其四

物候天涯改，秋心閉戶知。
露垂牕影亂，雲薄曙光欺。
密字微吟緩，疎藤上紙遲。
蘋風相假借，小住得支頤。

其五

曲沼依樾徑，烏藤試往回。
黃花釵股荇，文石錦錢苔。
藕葉擎孤翠，榴珠啓半腮。
天情物未損，莫遣早霜催。

其六

平湖知落鴈曲砌已吟蛩短棹清波夢幽聽
墜葉風生存今日事秋老一林中天問憑誰
答溪雲揜斷虹

遣悶

宇曠清空迥殘輝杖影斜林疎雲度曲水釋
水澄沙風綻丹砂子霜滋錦纈芽水仙香包
綠珍重試初花

其一

朔吹喧平野微喧釀一切晴光分竹暈霜液

墜藤梢地錦顛當網雲帷巧婦巢無人從載
酒不受艸玄嘲

小步

戊辰

林塘春雨夙小步愛微溫風定開池影雲收
齊燒痕青珠垂日給綠綬縮天麩慰藉韶光
甚新愁未許存

燕

燕二過春久逢二幾日歸斜臨波影轉閒啣
柳花飛小住游絲弱橫陳峽蝶依春光隨繼

縹緲賞入霏微

夏夕

試暑方前日重陰疑凜秋雲封雙嶺合螢亂
一星流閱化知無盡爲生果似浮不須多病
後始擬訪丹丘

落日

落日隱歸樸回峯騁望遙平波雲影靜素練
晚煙飄春氣驚先入年華果易消溪梅無意
緒綠潤上新條

排律

見諸生咏甌中勺藥聊爲儷句示之

庚申

二十四橋春何年度楚濱感君垂采折芳意
在橫陳露琲留珠箇雲屑起絳鱗弱莖擎亦
定細纈展初勻穀單茶煙淺暄迎酒暈新旁
侵鑪氣合斜倚畫圖真飛閣高承幕垂瓔近
拂巾綺霞疊一色香月上重輪簾蜨魂如夢
籠鸚咒似曠留熏十日永礪艷滿堂均碧葉
凝雲綠珊枝帶海津懸愁傾白醉莫遣聚朱

茵愛惜終香閣飄零遠陌塵冰紋簇紫雪芝
彩涌黃銀錦字啼鴛就清尊倒蟻傾韶光易
消謝持慰擷芳人

先開移丹桂一株於牕下作供爲賦十

六韻 癸亥

靜館香成界空林影結鄰道心難舉似清供
不餘塵僊種遙移月濃芳偶借春雨輕虹一
色霞近日重輪偷藥朱顏駐凌雲紫氣臻靈
砂初破體金粟化生身南國霜殷橘江臯日

射鵰忘憂添妙藹晚醉厭工顰落照疎林暎
彤雲細纈勻深霑湘瑟甲乍啟散花唇宿火
沈膏地蘭燈錦罩新珊枝撐玉魄丹棠煉金
神蓮墜留房露榴函儘妬津商芝分燦二琴
鯉想鱗二彩霧通鑑篆幽芬上氎巾赤旃檀
蔭合誰道苾芻貧

詠風戲作艷體

約二輕雲斂勻二晚氣涼不教留易夢何處
有花香繡幕鴛鴦回翼蓮燈葉墜黃牕搖三疊

水簾盪一波湘寶鴨織絲亂箋鸞密宇藏低
回穿藥鑑幽悄度蘭房結束奇鞋帶縈紆繞
紵囊佩交情未許芳襲如何妨卻扇從花笑
飄裾趁艸長微溫耶竹塢無影到銀塘繫臂
蛛絲纏當釵粉絮鑲蝶雙愁易失蕤冷怯歸
忙勻汗乾珠琲迴襟漾水光停凝憐激浪端
重笑垂楊暝閣扇金鑰鞦韆賽錦裳暗塵禁
冉二簷馬錯琅二藤合搖陰碧菱開漏鏡霜
遲歸貪柳影密語間松簧絨縷穿針亂花鬚

鬪艸忘閑情迷蘊藉春思儘清狂卯酒消微
醉雲髮亂夕粒知誰千里怨帆影望歸航

玩月 丙寅

雲際徘徊月高天不損寒三秋今夕永萬里
幾人看霄碧雙搖淺金晶倒暈乾平開千頃
合孤涌一輪安臺玉擎菱鏡胎銀煉雪丹珠
津方斌媚金棠儘闌干陰木飛燈暗輕柯弄
影難浮二蒸寶閣粟二潤珠團碧瓦勻匹練
筠簾透素紈微陰知漱澗深綠隱檀欒天水

雙輪決空明萬染刊停疑
邛旖旎清絕且磐
桓蕩白生虛室同光轉曲
蘭酒魂雙頰褪潮
血半絲湍稍覺流霜膩無
妨曉吹酸慙愁楓
岸側明夜半規殘

七言律

唐如心見過

庚申

春州初生雪霰零
山山曾踏茂莖青
居欣天地成今古
何必雲嵐不典刑
執戟漢亡誰載酒
尚書秦暴有傳經
憐君問禮當深夜
急難原頭念鵲鴦

其二

酌酒無多剪燭長
凌侵冰玉蹙寒塘
贈雲有意尋弘景
賦雪無心付謝莊
璚瑁痕雲開遠

碧流鶯柳色競新黃晴光倩送青鞵公分取
任夫一半狂

元夕 辛酉

望月玲泮出淺霞背人約莫數年華垂楊向
夕礮新綠蠟炬停風結小花寂歷影堂香篆
靜蕭青春遲蘚紋遮南瞻欲問平安竹好護
劉嶽處士家

春興

嬉春遲暮老廉夫長臥歸休舊酒徒不分傳

家三傳在從來亡國一身孤玉錢月影窺雙
鬢碧海雲波認五湖一儘龍鍾供世笑蒼天
還識老狂無

其二

樓空山遠溼煙蒸返景長天暝色仍千里湖
臯歸鴈雨九江春水釣魚燈馬殷豕在生新
艸陸遜營荒挂古藤夢裡白蘋洲上月遙遙
北渚接黃陵

其三

春風仍上柳絲邊，爛漫生涯醉暝煙。垂老田
光爽，酒客相知寧朔村。有龍淵，平皋漠漠飛新
燕。磻道陰陰響細泉，荏苒樓心訊芳艸。劇將
嫩綠逞華年。

南天窩授竹影題用徐天池香煙韻七
首

空明片紙涵晶瑩，微惹蘄蛇一線灰。白社原
同匡嶺寺，青山不染米家堆。偶移淺碧騰騰
合小試，光風灼灼來。疑是清江霜月好，孤山

斜惹水邊梅

其二

月華欲上不得上晴光一倍儂
今龜輕雲疑
尔還相換宿霧初蠲忽已飄
低亞帶人相綽
約回波響遠
試逍遙翻
朕欲把浮丘袂
冉冉
雲輕隔海潮

其三

心通無他更詢他
隔院風生乍染
魔垂手舞
因輕帶
易扶頭醉且厭
堆螺微涼羽扇
頻搖

更半睡僊裾自沓拖安得千尋看月落憑將
澹遠問東坡

其四

幾枝畧點紅鑪雪片晌聊依篆尾香稍借晴
風吹不定還愁落日太偏忙露珠暗墜蘼魂
起暝暈斜軀身涼清瘦自憎臨繡幕湘紋
巧映竹方牀

其五

憑闌覲面不相知邂逅晴牕瞥見時淺黛斜

分臨曉鏡落花輕惹上蛛絲萍開綠水魚情
得葉墜幽光身夢奇活色暗香難舉似浮漚
目醉共清嬉

其六

時爲先開訂相宗並與諸子論莊

色借明緣還似幻白生虛室不魯遮老夫偶
夢看成蝶諸子忘弓莫問蛇月滿桂難虧玉
魄雷礪春已長花芽何須玉版叅離合丈室
天空散碧霞

其七

根窠休訪午陰圓斜上幽牕倍可憐
映字不妨遮粉本談經適尔點青
旣高秋已瘦餘清此積雨欲消待
往旋晚照乍移莫悵望還將鳳尾
舞嬋娟

徐合素自南來抵郡城遠訊船山代書
答之尊世父開公從海上卒於嶺表廿
餘年矣因寓我尚爲人之歎

甲子

梅蘊風因藥鑪烟乳蕤啣書墜枕前
夢裏短衣看射虎重來高柳怨鳴蟬
歸舟知汎雋花

水荒徑將尋箭筈天莫問霜髭今幾許君家
松栢五雲邊

五日前一夕唐如心以近詩見問病廢
夜讀久矣卽夕口占寄意

榴花困雨不得紅溪菘泱露青煙叢明朝誰
續五絲縷新月初彎一綫弓楚國神絃惜往
誓山中桂樹思悲翁紙牕晴日能相借錦字
憑開霧眼空

寄周令公

湘波一尺阻東西。相草湘煙入望迷。碧海相看消鏡雪。丹經何術凍銀泥。歸舟吳越迎歌扇。潭水滄浪廢杖藜。問訊綏山桃幾熟。飛花好寄五陵谿。

病起連雨四首

爐煙平斂晚天清。病起閒愁也自輕。風定小容秋葉緩。月生微放雨牕明。江山他日仍如此。河漢經時已早傾。荏苒嗟峨留瘦骨。黃橙丹柏看冬榮。

其二

荻花風亂撲人飛
夕鳥雙峯一線歸
暑病乍清憐雨氣
寒衣姑緩待霜威
龍腥秋澀雲藏岫
鷺影光寒水上磯
幸不登臨悲往昔
遙天白靄翠微微

其三

白髮重梳落萬莖
燈花鏡影兩堪驚
水金丹訣聞方士
土木棧膏累友生
故國餘魂長縹渺
殘鐙絕筆尚崢嶸
懸知藥力消冰雪
未擬

垂楊聽早鶯

共四

潛聖峯雲碧萬層蕭蕭杉竹託山僧辜恩垂
死餘雙淚扶病今生夢一登多日六經藏孔
壁何人十字誌延陵湖天秋水魚書絕寂寞
孤阡挂古藤病不得省墓春初因松江董
斯行請誌銘于竟陵吳旣開劫
以秋至不得垂死病中
念此二事唯有痛哭

代書答舌劍韜

泚水東流嶽阜西魚書選問院花溪千峰舊

訪孤輪月雙脚難拼一寸泥大誓餘生聞虎
嘯衰年獨坐弄驢蹄東山隻履歸何日草軟
煙柔一杖藜

宿明谿寺山僧導遊珍珠巖

蒼崖乳溜瀆苔乾陰徑埋光生夏寒殷孽可
憐添石瘡飛脆亡賴撲鐙闌何如藻井鋪霞
綺自敞珠宮迓日丹讀易幽篁雙逕鎖當時
悔不訪仙壇

秋興

秋藕纏絲綴冷香
蓼花韎鞞染輕霜
月津已轉從雲妬
星渚初離更夜長
臨水登山悲郢客
守庚煉己老丹房
白蘋一罇清泉鏡
風颭霜髭照影涼

晉夢 丙寅

昔夢閒情一枕蠲
閒愁過眼萬心鐫
溼雲葉葉垂虹外
歸鳥泠泠晚照邊
礪草自分尋藥逕
湖天誰汎釣魚船
西清斜月能消得
片玉輕鬆半影懸

雨餘小步

蓮花蓮葉柳塘西
疎雨疎風斜照低
竹籜冠輕容雪鬢
桃枝杖滑困春泥
垂虹疑飲雙溪水
砌草新添一寸萋
不擬孤山閒放鶴
鶉鳩恰恰嚮人啼

初月

六月四日收夕雨
一彎初上劃西清
冰統小甃添紋皺
青鏡斜臨上粉輕
垂柳千眉爭宛宛
流螢半影恹盈盈
新秋通閨知何日
已暎

銀河一道明

冬日書懷

木落山空朔氣吹，雲消星白曙光疑。
曠曠煙海天無際，天裊霜華月半規。
今古閑愁孤枕盡，漁樵殘夢曉鐘知。
春心他日將誰贈，辜負寒梅折幾枝。

翠濤過草堂問病

稻露垂珠遠望平，疎風疎雨葛衣輕。
楓林攝攝消殘暑，禪室登登待早晴。
話到閒愁無一

字碁終殘局笑雙征因君莞尔加餐飯不問
漫岑託死生

其二

江樓十載故心違地影相看上雪肥銀漢未
傾憐酒盡金風欲避倩雲圍尊生爲囑悲歡
損惜別懸知伴侶稀觀獲送君歸下溟西清
一鴈貼天飛

夏日喜何詣得見過

苗葉梳風暑乍消歸禽掠日影迢遙閑披綠

草依孤樹喜看青衫渡小橋密語偶窺康節
夢清任未覺步兵驕剪燈坐歎流光迥他日
何方覓老樵

姪敏五十

邗溝檠戟插湘濱驍騎雲仍到尔身戍削月
垂千丈影團圞松偃一庭春青氈未損傳家
物黃菊相期漉酒巾好理殘書貽子弟烏衣
燕識畫梁新

其二

吾方授室忝懸弧一幅當年燕喜圖
瓜瓞回頭成夢鹿悠悠屈指數金烏
黃雲初捲收香粒頰棗重蒸釀軟酥
秀有老夫霜鬢在東臯
遙勤釀村酌

重過三座山與故人羅君遇贈之

三十九年彈指間居朕亡恙只青山
一雙鏡

影髭凝雪九月楓林葉墜斑舊恨冰
輪消兔

闕故交雪涕弔漁灣

羅君時垂執先兄之紼

愛君步履

輕如鶴獨嚮蒼天乞老閒

羅君名異字若庸邵陽人

宿別峯菴庶僊策杖來慰時方從哭送
先兄歸壟返

暮暮蒼煙護小橋回峯斜引上方遙歸禽邀
日沈平楚宿露冷風潤綠蕉白髮共憐鐙影
瘦青山未遣淚痕消憑君昨日山陽笛吹徹
寒水慰柳條

社前一日雪

社日花朝總令辰柳絲萍葉總宜人已催鶯
燕迎初日未許風光試一春紫電暗窺珠佩

笑輕雷不惜玉衡
與還思殘臘新暄
早勾引江梅萬樹勻

二十四日又雪

雲鏤斜暉劇可憐
驚颯一夕萬峯喧
瓦松避迥含晶密
水碧依微困影圓
銷鑠風光仍夜永
淹留寒色更春前
藥畦紅茁抽三寸
他日欲尋更惘然

羅桐侯受業先兄存沒依軫倍于餘子
春初過慰衰老愴然酬贈

紙牕竹屋俯寒泉，總角相看已曠然。
莎徑情深尋帶草，蘆中恩重覆漁船。
重來棠杜初悲雨，老去桃花不記年。
一卷申公詩說在，兜君珍重護秦煙。

寄題先兄祠屋

戊辰五月己卯，初孫奉主入祠祠舊耐園也。

寒泉古木問何年，鶴羽歸來一晒然。
滄海能消銜土怨，沃州不待買山錢。
誰投荏苒救酬江水，爲餌錫香禁冷煙。
留語烏衣諸子弟，應知頭上有青天。

其二

白髮青林一逕慳羊裘不揀釣魚灣當年有
誓潭龍窟身後還悲弔身山目送斜陽沈海
岸手栽修竹染霜斑致身錄在憑誰讀鱸冷
香消亦等閒

崇禎癸未賊購捕峻亟先母舅玉卿諱
翁以死誓脫某兄弟於虎吻謝世以來
仰懷悲哽者三十餘年翁孫以扇索敏
姪書字輟爲哀吟代書苦不能請先兄

俯和益以老淚涇涇承曉不止

楓林落葉嶽雲寒兄弟披離片影單九族凭
誰容破壁寸心已許付危湍恩深草屨隨拖
杖命續霜刀惜刈蘭今日渭陽回首處蕭條
白髮淚痕乾

別峯菴二如表長老類知予者對衆大
言天下無和嶠之癖者唯船山一漢魏
不克任而表師志趣於此徵矣就彼法
中得坐脫其宜也詩以弔之

延陵未識披裘客，楊億還疑轉丐僧。
銀地界中，金屑眼熟，油鐳裡雪山冰。
相逢岐路雙趺印，顧笑懸崖一杖登。
今日重拈，唯薦淚秋山葉落，冷孤藤。

冬山卽事

蘿陰曲曲護迴塘，亭午初消子夜霜。
小藻分波，還浸碧閒花，似菊未凋黃。
游魚帶影雙遮水，孤蝶迎晴倍惜香。
天物殷勤，相假借凋零，不遣惱疎狂。

其二

玄綃垂幕黛煙沉
略挂西峯玉一鈞
蕭散雲還沈
碧海清空人欲訪
瓊樓勻勻廣野疎星
度惻惻寒心片影浮
取次閒愁棲泊盡
更誰笙鶴夢丹丘

其三

小雪無雲宿駿踪
東牕日轉半櫺斜
清泉硯滴含餘綠
活火湯瓶湧細花
歌哭古今歸午枕
江湖圖畫泛星槎
堂堂日月容相問
書卷

留人幾歲華

其四

牆陰小步試歌危未厭晴風裊鬢絲
楸實乍鶩飛鳥過苔陰漸放素光移
紺珠千顆垂藤子丹葉孤飄繞故枝
寂歷經過聊緩頰重來千載更伊誰

野史劉生惜十年之別來訪山中爲寫
衰容賦贈二首

重逢無暇問前遊老去并刀割舊愁
風定鱗

鱗萍在水雲橫脈脈鴈當樓頻年苦覓侵苓
倦儉歲無多芋栗收良夜對君霜月迴還教
飛夢泛滄州

其二

彌天無處着衰顏映水愁窺徹骨寒鴈影自
宜霜月暗鏡光知向暮春殘江門蓑冷添藤
笠易水歌闌尙白冠慙媿雲林幽興絕還留
画裡一人看

五言絕句

辛酉日遣懷

乙丑

短燭空燒柏濁膠，不薦椒歲華知幾日。人道是今朝。

其二

東峯忽散雲飛光，射簷端未解消冰。露晶炎一倍寒。

其三

灑氣幸霜餘，留寒釀春雪。藥力不暉，曠眉間。

蹙千纈

其四

手折瓊瑤枝欲以贈遠者姑射冰雪姿乘雲
不來下

鬢粟

嬌小垂頭立豐盈出面來花王休相入聲妬
儂不向春開

相思子

無識自有情咫尺銀河渡不問許多時渠還

在何處

絕句 丙寅

黃鳥銜青蟲 逕飛入深箐
蛺蝶繞牆飛 相逢不相見

其二

伏日人間暑 西風天際陰
秦坑從烈火 魯壁自清琴

其三

蓮葉千莖亂 因風捲翠烟
飛來雙白鳥 不省

在誰邊

其四

瓜架穿螢白藤梢點露青
牽牛花已發天上
候雙星

其五

稻花垂金絲弱如紅藍
棠風起颺蜻蜓含香
點溪水

其六

宿鳥波流影孤螢冷度溪
雲雷分一半月在

柳塘西

其七

蘇鞞穿牕入
錢錢縮影高人間
酣睡客後處
夢櫻桃

其八

閒簡蠅頭半
芭蕉雪裡心
青青河畔草
自有鬼能吟

敵策二室授童子
讀題曰蕉畦口占示
之戊辰

治畦當種竹種蕉爲近之虛中同一致密葉
勝疎枝

其二

脆綠憐弱幹勿爲霜雪侵春風動雷雨須長
一千尋

其三

莫剪當簷葉澆博蕭瑟音嶽峯牕外雨滴裊
汝翁心舊築一處黠陰牕下芭蕉其本徑尺
高二丈許歲有花結甘露

其四

題字成玄草綠天幻絳紗勿容貪載酒何客
可名芭

七言絕句

水僊

亂擁綠雲可奈何
不知人世有春波
凡心洗盡留香影
嬌小冰肌玉一梭

代書寄戴晉元

松梢淺着餘冬雪
蘭若閒燒丙夜鐙
一枕夢回衾似水
不知仙洞隔朱陵

其二

寒山不穩歸飛鳥
錦字難傳靜夜魚
聞說茂

陵方病渴莫修封禪數行書

山月歌 乙丑

船山山半月垂灣
太白光連夕照開
白髮故人愁不見
天西無數五溪山

白雲歌

效遜國先賢
屨見白雲飛出山
之作

無數閒雲出翠微
和風和雨夾山飛
孤煙一片如輕絮
自繞疎林款夕暉

其二

一片輕飛嶺上分
當時猶自惜離羣
飛來飛

去秋風裡今日青山無片雲

其三

白雲飛也自尋常不道青山不久長看盡雲
飛天闕迥清空一碧映瀟湘

其四

前日浮雲飛出山山前爲雨不曾還雲收雨
散無消息何似青山一碧閒

其五

浮雲本不戀山巔木葉隨風更可憐欲得歸

林歸不得蛛絲懸挂矮簷邊

雜咏

曲岸平塘小徑通山坳倚杖避回風知誰撲
速林間響雀啄霜餘數子紅

其二

暝煙欲捲徑樓遲斷嶂雲光射嶺西恰似半
晴三月雨林梢只少子規啼

其三

罌粟苗輕翠瓣嬌水仙胎滿暗香飄丁寧雪

霰休凌藉任打牕前敗葉蕉

其四

問病人稀繼徑閒朝飛孤鳥暮飛還麇麋避
虎昨宵過亂蹴泥黏碧蘚斑

又雪

一雪稅消一雪飛不留餘白映霏微何當貰
與嚴陵壽建武初年守釣磯

送劉生輯戛歸省重慶

蒸江漱玉遶蒼江玳瑁霜雲擁翠屏歸向湘

山高頂望應瞻南極老人星